

故司業贈史青判書兼成均祭酒鮮于公諡狀

部	史部
類	傳記類
番号	2-689
冊数	1-1

1519
207
2-1

成均司業 贈吏曹判書兼成均祭酒遯庵
鮮于公謚狀

公諱浹字仲潤學者宗之稱遯庵先生殷太師
箕子之後也生

宣祖戊子

仁廟癸巳年六十六以卒後二百三十有六年已

酉

皇輿西巡至平壤有詔若曰師承既正學問尤邃
為關西士林之所矜式 贈判書鮮于浹特施
節惠之典先是壬午歲故相臣洪公淳穆舉公

學行于朝請貶爵予謚

太皇帝從之 贈資憲大夫吏曹判書無知義禁府
事成均館祭酒五衛都摠府都摠管而謚則蓋未
遲也至是又有是 命媿矣哉我

皇上繼述之盛崇儒重道之化於是乎兩得之矣公
之嗣孫殿官錡寢即億士人演賚公狀至請所以
佐易名者余嘗持節是省習聞公事行高山景行
之慕愈久而愈不能已雖不文庸可辭乎按箕子
始受封朝鮮而其支子仲食采於于後因為鮮于
氏貫以太原太原者箕國之縣名為不忘故也自

麗朝中書注書諱靖世襲簪纓曾祖鸞教授祖春
主簿考寔自恭川移居于平壤為崇仁殿監鮮于
氏之世厥官自此始妣慶州李氏禦侮將軍億壽
女公自幼精明端潔動止非常鄉里稱以聖兒嘗
曰吾聖人之後必孝悌忠謹然後為無忝所生一
門長老咸曰童子猶如此况吾儕耶相戒不為不
義事弱冠就塾師金公台佐學四子書熟讀三年
然後始受三經至尚書稽三百義金公辭不能解
公閉門力究竟透悟遭考妣憂喪祭一遵朱子家
禮又於金公喪心制三年夫人亦從而始素曰吾

何敢與夫子異其刑寡之善可知也三十八讀孔子登泰山小天下章便悠然有五嶽之想遂徒行觀金剛諸勝迤而南謁陶山書院閱先正李文純公遺書因拜張旅軒先生而歸上龍嶽廢寺訓授諸生生徒雲集講舍不能容升席終日無倦色如是者幾數十年矣

仁祖戊寅除 禧陵叅奉翌年除掌樂院主簿戊子用大臣薦除成均館司業己丑又除並不就仁祖昇遐奔哭闕下時慎獨齋金先生赴召在京執贄請業先生亟稱其精敏

孝宗大王旌招四方賢士復以司業召上疏辭仍陳
勉其目有五曰先講大學以明修齊治平之理曰
主敬涵養以立其大本曰先知心性情之理以明
在我之權度曰體天道以純亦不已曰法堯舜以
行純王之道懇懇累千言皆根柢於天德王道承
優批癸巳又以司業特召詣闕謝恩公始意
布衣被徵自有故事欲一登天陛敷陳所學留邸
數日無引對之命遂退歸上追覺之下教
責政院以不以其去上聞也至十二月二十二日
考終遺命治喪用古禮鄉人士奔走咨嗟弟子皆

經而哭焉葬平壤府烟臺山之蛤池洞訃 聞致
賻如儀丁酉筵臣言公學業甚篤見識亦高關西
士子能知趨向者皆其力也 命贈司憲府執義
平壤恭川人各立祠俎豆之至

正祖皇帝有教曰 長陵盛際故司業鮮于浹膺旌
招之列與先正文元公後先為成均初設之職自
是西土之士稍知性理之說

純祖丙戌公之七世孫鏤登第 特除正言 致侑
于平壤之祠

文祖時在春宮詢諸官臣曰國朝儒賢誰某為司業

對曰先正臣金文元文敬父子兩宋文正及 贈
執義鮮于某是已

文祖曰金司業宋司業子孫已多名宦鮮于司業之
子孫亦不可不許 列聖朝袞褒前後曠絕於乎
盛矣公配金氏無育以兄之子楫為嗣所著心學
至要蒼萃經傳要語襯貼身心者分章立目開示
蘊奧以嘉惠後學者至深且切又有易學圖說太
極辨解諸說及大易理象等書推河洛之理演洪
範之義扣關啓鍵發前人所未發尤庵宋文正公
嘗序公遺稿曰造化之本源性命之精微無不論

說而皆出於經傳及濂洛關閩諸書為學者指南
自朱夫子以後異說益熾喙喙爭鳴而公之書無
一語出已以自多焉可謂篤信前言不昧所從者
歟斯可以知公之為公而近世聞公之風而私淑
焉者如故執義朴公文一文五故校理黃公室并
以學行名世恭川平壤之間士皆敦孝行崇禮讓
先經術而後文藝家絃戶誦蔚然有鄒魯之盛是
誰之功也所謂奮乎百世之上而使人興起於百
世之下者非耶謹撮其槩以告于太常氏
崇政大夫前行禮曹判書兼知 經筵春秋館事

義禁府事弘文館學士南廷哲謹撰